

隨州志卷七

公署

叔孫館於晉一日必葺其墻屋去之如始至古人用心不規規為一時計也况

朝廷高廳大館以處官吏非徒便起居恣晏安之謂其謂政令之所自出民人之所瞻仰胥於是乎在守土者安可視為傳舍而忽之

知州署在城西門內舊志云明洪武二年同知州事張遜審度地勢取城中西隅最高處為州廨今署其舊址也

隨州志

卷七

公署

四四

自後修建無考康熙初知州劉霽題大堂額曰忠愛堂西為庫房前為六曹東西列中為甬道夾甬道為皂隸班房前為儀門門西為獄舍前為大門門東有土地祠舊志載有戒石亭在大堂前迎賓館在大堂東今廢

乾隆五十一年知州亢依祿於大堂西隙地掘得戒石一座旁有乾道四年通直郎知隨州隨縣主管勸農屯田以下姓名剝落不可辨今存內署堂之後有川堂有後堂最後為延綠山

房即宅內也東為厨後堂之東為書舍西為客廳舊志夜光廳在川堂右茶亭在夜光廳前明知州閣在邦運甓齋記畧云隨知州衙無正廳客至率由北折而遷就

於右齋賓阼莫辨誤而失禮者多矣先守姑蘇申公經嘗於庭中建小亭榜曰効新鄉侍御宗公彝爲之記嘉靖己亥閻子嗣守是邦乃謀隙地於亭北僅得數尺卽偪深坎因命負土築基再閱歲勢漸增廣得四丈餘未幾淫雨大作基崩者三尺會有別工羨磚卽役匠氏焚之旣堅且隆以下文缺按其地卽舊志所謂夜光廳實今客廳舊基也其曰効新亭者卽舊志之茶亭今廢乾隆四十五年知州吳夔孫建書室三楹於客廳右其地爲昔州判署廢址舊志州判衙在大堂西舊有旌善申明二亭在大門

隨州志

卷七 公署

四

外東西街崇樓在衙舍左今皆廢

嘉慶二十二年知州劉廷模建署後坐樓半環以池池中築臺置得月亭花廳後立紅杏書屋

道光二十九年知州金雲門改修甬道兩旁之皂隸班房於六曹之下重葺花廳題曰碧梧翠竹之軒

咸豐三年知州楊嘉運於儀門內建立牌坊題爾俸爾祿民膏民脂下民易虐上天難欺六年趙邦璧滋事焚燬大堂十一年粵匪陷城衙署盡燬無存

同治六年知州潘亮功建修大堂二堂三堂各五楹均有

川堂大堂後偏舍六間二堂後橫舍四間堂之東書舍
客廳厨舍各五楹客廳之東各列便廳堂之西廳舍兩
重十有五楹大堂下六曹之外添修庫房糧房承發舖
長四曹再下爲壯健快皂捕班房儀門西爲監獄外卡
頭門儀門均如制

獄舊在儀門之東明萬厯間知州林梓改建學宮始遷於

西舊傳西故有井遷獄後井入獄中知州林梓夜夢有
獄中人自訴無罪梓異之徧視獄囚無似者而是日
井水忽竭始悟井之神也因鑿非罪泉三
字於石欄以誌其異於是泉復湧出後塞

布政憲司署在城內東北按察分司署在城北久廢舊志

隨州志

卷七 公署

四

州同署在大堂之東州判署在大堂之西久廢舊志

州同署分駐祝林總在州北一百八十里乾隆三十九年

以州北境遼瀾裁鶴峰州州同缺改設

州判署分駐唐縣鎮在州北九十里嘉慶初卽巡檢署改
設按唐縣鎮本隋代唐城縣地先時置白馬驛今署卽

驛館遺址

學正訓導署在 文廟東同治七年學正胡孚嘉訓導張

道南鼎修並建明倫堂於學署儀門內

按明倫堂舊在城外鬢牆西內左右列臥碑六前有門

牆門外爲外泮池左右繞學宮南面跨以兩橋乾隆十二年攝知州事王雲翔建舊有敬一亭在堂後中列敬一銘碑興詩立禮兩齋在堂下左右爲諸生肄業所遷學後未遑復建東西兩齋夾列學宮左右爲學正訓導署咸豐十一年燬於賊

營署在東門內同治四年把總蔡長發重修

吏目署舊在州署西康熙中卽州同署廢址改建在州署儀門之東同治七年卽其地建立考棚仍改建於州署儀門內之西吏目王鏡董其事

隨州志

卷七

公署

四七

高城巡檢司署舊在州北出山店爲出山司乾隆三十九年因分駐州同於祝林總以出山店地歸州同分轄徙巡檢司於東北七十里高城鎮改高城巡檢司

梅邱巡檢司署舊在梅邱雍正三年徙駐州西八十里澧

潭鎮巡檢王懋德以舊郵亭改建新署

澧潭郵亭係明時由信陽入承

天府大道

合河巡檢司署在州北二百里合河店明成化十二年巡撫御史原傑裁安陸縣高覈鎮巡檢改置

陰陽學無定所

醫學無定所

僧正司無定所

道正司無定所

常平倉在州署之西舊在州署東名豐大倉明萬厯間知

州林梓撤倉屋改建學宮遷移於此其廩有四別以甲

乙丙丁字今廢

便民倉在漢東門內舊志明成化七年知州呂稭因輸漕

轉運之艱增建於城外以近水次十四年壞知州伍希

閔重修有官廳三間東西二廩今廢

隨州志

卷七

公署

四

養濟院在北門外瓦屋六間草舍六間今廢同治八年重

修

惠民藥局在南門外今廢

育嬰堂

一在紫里九甲謝家店徐金城王品超王世庸徐永泰張

全德徐三甫萬仲鼎黃金燦趙普樂伍懋祺王克倫倡

捐田十五石七斗

一在龔家店任受綱江大庸徐三甫倡捐田一十一石

一在均川街楊楚萬家興賀世柄劉維運楊祥瑚劉正選

倡捐田地錢文邀同會人逐年舉辦

一在聖里四甲金家橋蔡學儒方德大黃金堦張正奎敖
觀潮王兆福捐買屋宇一所田地八石

一在聖里一甲永興店蔡家灣蔡炳離江愛蘭周士秀陳
恒發周慶江壽山蔡之昆蔡之倫王楚玉戴春升張宗
獻周祥捐田六石

隨州志

卷七 公署

兪